

# مشوار السلام

بقلم الأستاذ : عبد الحميد عبد العظيم

سكرتير عام رابطة الزجالين

يا سفير الانسانيه بالبناره  
يا صلاح الدين زمانك يا مناره  
يا حبيب المسلمين ويا النصارى  
كان خطابك ف الكنيست اقوى غاره  
للسلام والعدل والخير والطهاره  
يا بشير النور واستاذ المهاره  
كان خطابك يا سادات ميثاق حضاره  
كان شراره كان شطاره كان جساره  
كان شجاع الكلمه كان شهيم العبارة  
كان هدى التاريخ وكان تاج الاماره  
يا سفير الانسانيه بالبناره  
ياللى خليت الخصوم باتوا حيارى  
وبقلوبهم سلموك عن جداره  
لما هزيت السفاره والوزاره  
لما غديت القضية بالحراره  
لما نسيت القلوب طعم المراره  
وف بلاغه حجتك عشنا اسارى

نصر اكتوبر ظهر اكبر واكبر !!  
لما رحل ف عقر دار ديان تحذر  
م اللى راح يجرا مع الايام واكثر  
لو ركب عساف يا جورى دماغ مجنزر  
وافتكر ييجى هنا لو كان حيقدر  
ولا بدراعه الطويله يقوم بمنظر  
ابن خال شارون ف ثغره او ف منور  
نصر اكتوبر دا لقنهم يا انور  
درس عن كل اللى راح يجرا واخطر  
نصر اكتوبر دا كان تاريخ مقدر  
للغرب يرفع هامات العزه يفخر  
نصر اكتوبر دا كان بركان تفجر  
عن كوامن قوه للعربى بتكبر  
يعملوها حساب لو الموقف تحجر  
ولا مشوار السلام ف جنيف تعثر  
واللى مافهمش الخطاب حنقوله فكر  
نصر اكتوبر شرح معناه وفسر !!